



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N

91/24958

<28> 11

2022թ.

**Արդյուն Համլեդի Կոնցորյանին
Հասցե՝ ք. Երևան, Լեփսիուսի 29, բն. 34**

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության վարչական բողոքների քննության բաժանմունքում իրականացված վարչական բողոքարկման վարույթի արդյունքում թիվ 8180218416 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Առդիր՝ << 3 >> թերթ:

Պետ. ոստիկանության գնդապետ՝

Ա. Ումրշարյան

Կատ. Ե. Ասլանյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 14.11.2022թ-ին կայացված թիվ 8180218416 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 28 >> 11 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա.Ումրշատյանս, վերանայելով Արտյոմ Համլետի Կոնջորյանի (Այսուհետ՝ դիմող) դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

14.11.2022թ.-ին՝ ժամը 13:35-ի սահմաններում, Շիրակի մարզի Մարալիկ քաղաքի Շահինյան փողոցում դիմողի վարած «Նիսսան» մակնիշի 37 PV 912 հաշվառման համարանիշի տրանսպորտային միջոցի տեխնիկական վիճակի զննություն անցած չլինելու փաստն արտացոլվել է պարեկային ծառայության դյուրակիր համակարգում, ինչի հետևանքով ՀՀ ոստիկանության պարեկային ծառայության Շիրակի մարզի գումարտակի 2-րդ վաշտի 3-րդ դասակի ավագ պարեկ Համբարձում Քելամյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն կայացվել թիվ 8180218416 որոշումը՝ վերջինիս 20.000 ՀՀ դրամի չափով տուգանելու մասին:

24.11.2022թ.-ին ՀՀ ոստիկանության պարեկային ծառայություն ստացված դիմումով դիմողը խնդրել է վերացնել ՀՀ ոստիկանության պարեկային ծառայության վարչական իրավախախտման վերաբերյալ գործով 14.11.2022թ. կայացված թիվ 8180218416 որոշումը՝ մասնավորապես նշելով, որ տրանսպորտային միջոցն անցել է տեխնիկական զննություն:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 14.11.2022թ. կայացված թիվ 8180218416 որոշումը ենթակա է բեկանման՝ հետևյալ պատճառաբանությամբ և հիմնավորմամբ.

«Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն՝ օրենսդրությամբ սահմանված կարգով տեխնիկական զննություն չանցած կամ տեխնիկական զննությամբ ի հայտ եկած՝ Հայաստանի Հանրապետության կառավարության սահմանած՝ տրանսպորտային միջոցների շահագործումն արգելող անսարքություններից կամ պայմաններից որևէ մեկի առկայությամբ տրանսպորտային միջոց վարելն առաջացնում է տուգանքի նշանակում սեփականատիրոջ կամ տիրապետողի նկատմամբ՝ սահմանված նվազագույն աշխատավարձի քսանապատիկի չափով:

«Ճանապարհային երթևեկության անվտանգության ապահովման մասին» ՀՀ օրենքի 15-րդ հոդվածի 1-ին մասի համաձայն՝ Հայաստանի Հանրապետության տարածքում շահագործվող տրանսպորտային միջոցները Հայաստանի Հանրապետության օրենսդրությամբ սահմանված կարգով ենթակա են տեխնիկական զննության:

Նույն օրենքի 18-րդ հոդվածի 1-ին կետի «ժա» մասի համաձայն՝ տրանսպորտային միջոցի երթևեկությունն արգելվում է, եթե տրանսպորտային միջոցը Հայաստանի Հանրապետության օրենսդրությամբ սահմանված ժամկետում չի անցել տեխնիկական զննություն, կամ տեխնիկական զննությամբ ի հայտ է եկել Հայաստանի Հանրապետության կառավարության սահմանած՝ տրանսպորտային միջոցների շահագործումն արգելող անսարքություններից կամ պայմաններից որևէ մեկը:

ՀՀ ոստիկանության ՃՈ էլեկտրոնային ռեգիստրից կատարված քաղվածքի համաձայն՝ «Մերսեդես» մակնիշի 37 PV 912 հաշվառման համարանիշի տրանսպորտային միջոցը 14.10.2022թ-ին անցել է տրանսպորտային միջոցի տեխնիկական զննություն, որը գործողության մեջ է մինչև 31.10.2023 թ-ը:

Վերոգրյալից հետևում է, որ 14.11.2022 թ-ին՝ ժամը 13:35-ի սահմաններում, դիմողը «Մերսեդես» մակնիշի 37 PV 912 տրանսպորտային միջոցը վարել է տրանսպորտային միջոցի տեխնիկական վիճակի զննություն անցած լինելով:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության հանգամանքների առկայության դեպքում:

Այսպիսով, դիմումատուի արարքում բացակայում է «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասով նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով նույն օրենսգրքի 247-րդ հոդվածի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 14.11.2022թ. կայացված թիվ 8180218416 որոշումը բեկանել և վարչական իրավախախտման վերաբերյալ գործի վարույթը կարճել:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ոստիկանության պարեկային ծառայության Շիրակի մարզի գումարտակ:

Պետ. ոստիկանության գեղապետ՝



Ա. Ումրշարյան

Արցախի Հանրապետության
Հասցե՝ ք. Շիրակ, Լեւոնտուրի 29, բն. 34

Առդիւ << 3 >> թնթ.

Պետ. ոստիկանության գեղապետ՝

Ա. Ումրշարյան